



## Yega cas bek contento...

**Perfecto lo ta toch pa goza Carnaval, pero tambe pa yega cas contento?**  
**Ban logra esaki den Carnaval 59. Cruz Cora Aruba su tips pa Yega Cas Bek Contento:**

- Alimenta bo mes y bo Famia bon
- Percura pa tur hende bebe hopi awa
- Hiba un kit di EHBO pa actividad di Carnaval
- Cuida nos muchanan cu earplugs y sun block y hopi atencion!

**Cruz Cora**  **Aruba**



***Feliz Temporada di Carnaval***

**Den su cas na Savaneta**

## Marco 'Pancho' Thiel ta ricibi plakkaat di reconocimiento di Prome Minister Eman

Diahuebs mainta Prome Minister Mike Eman a haci un bishita na cas di famia Thiel pa entrega na Sr. Marco 'Pancho' Thiel un plakkaat di reconocimiento como un di e baluartenan di Savaneta. Sr. Thiel tabata corporal den Schutterij y tambe un di e 2147 firmantenan di e peticion 18 di maart 1948. Un persona cu a sirbi su pais grandemente. Prome Minister Eman, acompaña pa miembro di Parlamento di Aruba Donny Rasmijn y miembronan di Team BoBarrio, a entrega Sr. Thiel e plakkaat pa su aporte na comunidad di Aruba. Un gesto cu a wordo



masha aprecia pa Sr. Thiel y famia. Despues di a haya e plak-

kaat Marco Pancho Thiel a gradici Prome Minister pa e reconocimiento y a bisa cu e tabata sa cu si Prome Minister Eman drenta Savaneta, e lo haci'e un bishita. "Ningun hende mester a bisa mi nada di esey. Mi tabata sa cu si e ta bin Savaneta, e no ta keda sin pasa cerca mi. E reconocimiento si ta un sorpresa. Mi conoce famia Eman di hopi aña caba". Thiel ta un persona masha alegre, chistoso y cu un memoria perfecto. El a sinta conta Minister Presi-



dent Minister Eman acontecimentonan di antes y con e hunto cu otro

Despues di e bishita agradabel na cas di Sr. Marco 'Pancho' Thiel, Prome Minister Eman y Team BoBarrio a sigui cu e bishitanan semanal den e barrio di Rooi Kochi. Un bishita cu un bes mas a resulta exitoso.